

ТИББИЁТДА ҚЎЛЛАНИЛИШИГА ДОИР ЙЎРИҚНОМА “ГЕРБИОН® ПАСТИЛКИ ПЛЮЩА”

Препаратнинг савдо номи: “Гербион® пастилки плюща”

Таъсир этувчи модда (ХПН): печак барглари экстракти

Дори шакли: пастилкалар

Таркиби:

1 пастилка қуйидагиларни сақлайди:

фаол модда: печак баргларининг қуруқ экстракти (5–7,5:1)¹ - 35 мг.

ёрдамчи моддалар: изомальт (М тури) (E953), лимон кислотаси (E330), сукралоза (E955), карамел ароматизатори², цитрус ароматизатори³, қалампир ялпиз барглари мойи.

¹ Печак баргларининг қуруқ экстракти (*Hedera helix L.*, аралиев оиласига мансуб (*Araliaceae*), *folium*). Доривор ўсимлик хом-ашёси миқдорининг дастлабки экстрактнинг миқдорига нисбати: 5-7,5:1.

Экстрагенти: 30% этанол (м/м).

² Карамель ароматизатори қуйидагиларни сақлайди: табиий таъм-хушбўй модда (natural flavoring substance), таъм-хушбўй препарат (flavoring preparation), пропиленгликоль, сув.

³ Цитрус ароматизатори қуйидагиларни сақлайди: табиий таъм-хушбўй модда (natural flavoring substance), таъм-хушбўй препарат (flavoring preparation), бутил гуруҳи қўшилган гидроксианизол (E320).

Таърифи: Оч жигаррангдан жигаррангача бўлган ғадир-будур юзали четлари кесилган думалоқ пастилкалар. Сарикдан жигарранг рангача бўлган ҳамда оч доғлари бўлишига йўл қўйилади, ҳаво пуфакчалар ва четлари аҳамиятсиз нотекис бўлади.

Фармакотерапевтик гуруҳи: Шамоллаш ва йўтал белгиларини бартараф қилиш учун препаратлар. Балғам кўчирувчи препаратлар, йўталга қарши воситалар билан мажмуаси бундан мустасно. Оддий печак барглари.

АТХ коди: R05CA12.

Фармакологик хусусиятлари

“Гербион® пастилки плюща” муколитик ва бронхоспазмолитик восита сифатида таъсир этувчи оддий печак баргларининг қуруқ экстрактини сақлайди. Препарат балғамининг қовушқоқлигини камайишига ёрдам беради, балғам чиқарилишини енгиллаштиради ва йўтални тинчлантиради.

Қўлланилиши

Нафас йўллариининг ўткир ёки сурункали яллиғланиш касалликларида балғам ажралиши билан кечадиган йўтални симптоматик даволашда қўлланилади.

Қўллаш усули ва дозалари

Катталар, ўсмирлар ва 6 ёшдан катта болалар: 1 пастилкадан кунига 3 марта (кунига

печак баргларилинг курук экстрактини 105 мг га мос келади).

Пастилкани тўлиқ эриб кетгунча оғизда шимиш керак. Пастилкани бевосита овқатдан олдин ёки овқат пайтида қабул қилмаслик керак.

“Гербион® пастилки плюща” препарати билан даволаш даврида илиқ сув ёки чойнинг етарлича миқдорини истеъмол қилиш тавсия этилади, аммо пастилка шимилиши билан дархол эмас.

6 ёшгача болалар учун мазкур дори шаклида препаратни дозалаш имконсизлиги туфайли “Гербион® сироп плюща” препаратини қабул қилиш тавсия этилади.

Даволаш давомийлиги касаллик характери ва оғирлигига боғлиқ бўлади ва одатда 7 кунни ташкил қилади. Касалликнинг клиник белгилари йўқолганидан кейин яна 2 - 3 кун препаратни қабул қилиш тавсия этилади.

Ушбу препаратни қўллаш вақтида бир ҳафтадан ортиқ муддатда симптомларнинг сақланиб қолишида шифокорга ёки фармацевтга мурожаат қилинг.

Ножўя таъсирлари

Бошқа дори препаратлари каби “Гербион® пастилки плюща” яқка ҳолатларда ножўя таъсирларини чақириши мумкин.

Тез-тез ($\geq 1/100$ дан $< 1/10$ гача):

– кўнгил айнаши, қусиш, диарея.

Тез-тез эмас ($\geq 1/1000$ дан $< 1/100$ гача):

– эшакеми, тери тошмаси, купероз ёки нафаснинг қийинлашиши, анафилактик реакция кўринишида намоён бўладиган аллергик реакциялар.

Аллергик реакциялар пайдо бўлиш ҳолатида препаратни қабул қилинишини тўхтатиш ва шифокор билан маслаҳатлашиш керак.

Тиббиётда қўлланилишига доир йўриқномада эслатиб ўтилмаган ножўя реакцияларнинг пайдо бўлиш ҳолатида, илтимос, улар ҳақида шифокорингизга мурожат қилинг.

Қўллаш мумкин бўлмаган ҳолатлар

Фаол субстанцияга, аралиев оиласига мансуб бошқа ўсимликларга ёки препаратнинг ҳар қандай ёрдамчи моддаларига индивидуал юқори сезувчанликда қўллаш мумкин эмас.

Дориларнинг ўзаро таъсири

Қабул қилишни бошлашдан аввал Сиз бирон бир доривор воситаларни қабул қилаётганингизни ёки яқин кунларда уларни қабул қилганингиз ҳақида шифокорга хабар беришингиз зарур.

Бошқа дори воситалари ва озик-овқат маҳсулотлари билан ўзаро таъсирлар ҳақида маълумотлар йўқ.

Махсус кўрсатмалар

Агар беморнинг ахволи даволашнинг 7 кунидан кейин яхшиланмаслик ҳолатида, ёки нафас олишнинг қийинлашиши, йирингли балғам, ёки ҳарорат кўтарилиши кузатилса шифокорга мурожаат қилиш зарур.

Кодеин ёки декстрометорфан каби йўталга қарши воситалар билан биргаликда қўллаш мутахассис маслаҳатисиз тавсия этилмайди.

Зўрайиш босқичидаги меъда-ичак йўллари касалликлари бўлган пациентларга эҳтиёткорликка риоя этиш керак.

“Гербион® пастилки плюща” препарати изомальтозани сақлайди. Буни фруктозани ирсий ўзлаштираолмаслиги бўлган пациентлар инобатга олиши керак.

Ҳомиладорлик ва лактация даврида қўлланилиши

Бирон бир препаратларни қабул қилишдан аввал шифокор билан маслаҳатлашиш зарур.

Ҳомиладорлик ва лактация даврида қўллаш хавфсизлиги бўйича маълумотларнинг чегараланганлиги туфайли препаратни ушбу тоифа пациентларига қабул қилиш тавсия этилмайди.

Автомобилни ва мураккаб механизмларни бошқариш қобилиятига таъсири

Препаратнинг автомобилни ва мураккаб механизмларни бошқариш қобилиятига таъсирлари ҳақида хабар берилмаган.

Дозани ошириб юборилиши

Тавсия этилган дозалардан ошиқ дозаларни қабул қилиш мумкин.

Симптомлар: суткалик дозани икки мартадан кўп дозаларни қабул қилган, кўнгил айнаши, қусиш, диарея, кўзгалувчанлик ҳолатлари кузатилиши мумкин.

Даволаш: симптоматик даволаш.

Ўтказиб юборилган қабулни ўрнини босиш учун пастилкаларни икки баробар дозасини қабул қилманг.

Чиқарилиш шакли

Пастилкалар

8 таблеткадан ПВХ/ПЭ/ПВДХ фольгали ва алюмин фольгали блистерда.

1, 2, 3, 4 ёки 5 блистерлар тиббиётда қўлланилишига доир йўриқномаси билан бирга картон қутига жойлаштирилади.

Сақлаш шароити

25 °С дан юқори бўлмаган ҳароратда, намликдан ҳимояланган жойда сақлансин.

Болалар ололмайдиган жойда сақлансин.

Яроқлилиқ муддати

2 йил.

Яроқлилиқ муддати ўтгач қўлланилмасин.

Дорихоналардан бериш тартиби

Рецептсиз.

Ишлаб чиқарувчи

КРКА, д.д., Ново место, Шмарьешка цеста 6, 8501 Ново место, Словения.

Ўзбекистон Республикаси ҳудудида дори воситаларининг сифати бўйича эътирозлар (таклифлар)ни қабул қилувчи ташкилотнинг номи ва манзили

Ўзбекистон Республикасида «КРКА, д.д., Ново место» ваколатхонаси

Ўзбекистон, 100015, Тошкент ш., Афросиёб кўч., 14.

Факс: +99878 150 10 44.

Тел.: +99878 150 28 28, +99878 150 29 29.